



UNIVERSITÄTS-
BIBLIOTHEK
PADERBORN

Liber Officialis Seu Agendorum Pastoralium S. Trevirensis Ecclesiae

Johann Hugo <Trier, Erzbischof>

Mogvntiae, 1688

Processio in die animarum.

[urn:nbn:de:hbz:466:1-75322](https://nbn-resolving.org/urn:nbn:de:hbz:466:1-75322)

Ecclesiam: ubi habetur sacrum, ^{nisi ante habitum fuerit} ~~eo finito canitur:~~ ^{Deum canit} Te Deum laudamus. quo absoluto omnes genuflectunt: sacerdos adorato & incensato Venerabili Sacramento canit cum eo ad populum conversus.

Tantum ergò &c. Genitori genitoque &c. Respondente choro reliquos versus ut moris est, datâque benedictione reponitur monstrantia in tabernaculum, atque à sacerdote clauditur.

PROCESSIO IN DIE ANIMARUM.

IN parochiis pridie animarum post vespas Defunctorum decantatas, sicut & in ipsa animarum die, instituitur processio per Ecclesiam totam & coemeterium, Pastorque aspergit omnia sepulchra, cantanturque responsoria, primi, vel etiam tertii nocturni officii Defunctorum, & quando pervenitur ad ossuarium recitatur Psalmus Miserere mei Deus &c. vel De profundis &c. cum collecta: Deus in cuius miseratione &c. ut sequitur.

In reditu ad Ecclesiam, ante altare majus cantatur: Respons. Libera me &c. ^{ut supra pag. 112.} Deinde

Kyrie eleison. **C**hriste eleison. **K**yrie eleison.

Pater noster. *secretò.*

V. Et ne nos inducas in tentationem.

R. Sed libera nos à malo.

V. A porta inferi.

R. Erue Domine animas eorum.

V. Domine exaudi orationem meam.

Dominus vobiscum.

Ore-

Oremus.

Deus in cuius miseratione, animæ fidelium requiescunt, famulis & famulabus tuis omnibus, hic & ubique in Christo quiescentibus, da propitius veniam peccatorum, ut à cunctis reatibus absoluti, tecum sine fine lætentur.

Fidelium Deus omnium, conditor & redemptor, animabus famulorum famularumque tuarum, remissionem cunctorum tribue peccatorum, ut indulgentiam quam semper optaverunt, piis supplicationibus consequantur. Qui vivis & regnas cum Deo patre in unitate &c.

Requiescant in pace. *R.* Amen.

PROCESSIO AD PETENDAM PLUVIAM.

in diebus Regationum
Agantur omnia ut ~~supra in Litanis~~ *in diebus Regationum* usque ad finem Litaniarum, in quarum precibus post Versum: Ut fructus terræ &c. *bis dicitur:* Ut congruentem pluviam fidelibus tuis concedere digneris. *R.* Te rogamus audi nos.

In fine dicitur: Pater noster. *secretò.*

ʒ. Et ne nos inducas in tentationem.

R. Sed libera nos à malo.

Psalmus 146.

Laudate Dominum, quoniam bonus est psalmus:
Deo nostro sit jucunda decoraq; laudatio. &c.

P p 3

Dein